



Mipla wande lesen dem stori blo yu baut digital inclusion

Wanem digital inclusion?



Digital inclusion e diskain:

- gad akses po intanet, radio ane TV
- gad inap mani po akses da intanet
- gad inap aidia po yuze da intanet ane dem online serbis.

Baut da Advisory Group



Da First Nations Digital Inclusion Advisory Group e bin stat las yia. Wea dis grup e gad Aboriginal ane Torres Strait Ailan man ane oman.

Zob blo mipla e po gibe adbais po Gabmant baut:

- digital inclusion
- kese da Target 17 ane Outcome 17 blo da National Agreement on Closing the Gap.

Ane dis zob e baut gibe adbais po meksua dat First Nations pipol:

- gad akses po intanet ane mobile fone ane komputa yu nidem po yuze ol online serbis
- gad inap aidia po yuze da intanet ane po bi seip wen yu yuzem
- gad akses po inpomeisan wea (intanet, radio, TV) yu go nid po meke disizan.





Baut da roadmap



Mipla stat nau po meke **digital inclusion roadmap**. Roadmap e diskain: plan e gad wea e spik wiskain po kese da taget o goal.

Dis taget e dat akses po fone, intanet, TV ane radio e nogo kost tumas mani po First Nations pipol solong dempla ken gad akses po inpomeisan ol go nidem po ebridei laip.

Dis roadmap go sapot komuniti, gabmant, ane wokples po wok tugeda po kese Target 17 ane Outcome 17 wanem da Gabmant bin promis wea e pat blo da National Agreement.

Da National Agreement gad 17 taget. Dem taget go elp da gamant po meiksua dempla meke progres po meke da laip blo First Nations pipol mobeta.

Target 17 e spik dat bai 2026, Aboriginal ane Torres Strait Ailan pipol gad seimkain akses po digital inclusion wase ebriwan.

Target 17 e gad link po Outcome 17, wea em meiksua dat ol First Nations pipol gad akses po inpomeisan solong dempla ken disaid demplaselp wanem dempla wandu mekem wea dempla laip ane wea komuniti.

Yupla stori e impotant



Po meiksua dis roadmap e go wok prapa, mipla wandu lesen dem stori blo First Nations pipol.

Yu mait stap wea siti, smol taun, ausaid eria o wea komuniti. Digital inclusion prapa impotant ebriwea lo Australia.

Mipla wandu lesen baut demting wanem bin apen po yu wen yu bin yuze fone, mobile, intanet ane online serbis wase:

- meke banking online
- yuze dipren Gabmant serbis wase Centrelink
- telehealth (wase wen yu tok po dokta wea online video chat)
- stadi (po skul o university o TAFE)
- yuze da intanet po zob blo yu
- wen yu meke art o miusik
- da mani kost po yuze da intanet e no tumas

Ane yu ken spik mipla baut wen yu lesen po radio o po free-to-air TV.





Wiswei po spik mipla baut demkain stori



Apta yu ansa sam o ebri dem kweston ya yu ken sane dem ansa po mipla **by Friday 28 June 2024**.

- Wiswei yu akses da intanet?
- E gad samting dat mekem ard po yu po gede online?
- Wanem ting gabmant, or bisnis o nada pipol ken do po mekem mo izi po gede online solong yu ken paindaut da inpomeisan o dem dipren serbis yu nidem?
- Wiskain em go mekem mo gud po yu ip em mo izi po yu o komuniti po akses da intanet ane online serbis?
- Yu lisen po komuniti radio ane luk TV? Wiskain radio o TV e elp yu po gede inpomeisan? E gad eniting dat stape yu prom akses komuniti radio o TV?

Dem kweston ya e mata gaid po yu. Yu ken spik mipla baut eni nada stori yu gad baut yuze demkain intanet serbis.

Mipla go publish dem stori bat yu ken spik dat yu no gibe permission. Yu ken mekem demkain ip yu raite note dat yu no gibe permission po publish dem stori.

Ane yu ken kipe dem detail blo yu praibat. Yu no iben aptu spik mipla neim blo yu.

Mipla no go publish dat inpomeisan baut uda yu.

Yu ken spik dem stori baut yu wea langus blo yu. Ip yu mekem demkain spik mipla wanem langus yu yuzem solong mipla ken gede interpreta.

Wea po sane dem stori yu bin raitem



Yu ken rait po mipla baut wanem bin apen po yu. O yu ken sane email, o sane vidio o voice rikording. Sane dem stori po mipla:

Online wea digitalinclusion.gov.au

Email wea firstnationsdigitalinclusion@infrastructure.gov.au

Post em po

Director - Digital Inclusion
Digital Inclusion and Deployment





Department of Infrastructure, Transport, Regional Development, Communications
and the Arts
GPO Box 594, Canberra ACT 2601

